



# ਚੌਪਈ

ੴ ਵਾਹਿਗੁਰੂ ਜੀ ਕੀ ਫਤੇ॥

ਪਾਤਸਾਹੀ ੧੦ ॥ ਚੌਪਈ ॥

ਪੁਨਿ ਰਾਛਸ ਕਾ ਕਾਟਾ ਸੀਸਾ॥ ਸ੍ਰੀ  
ਅਸਿਕੇਤ ਜਗਤ ਕੇ ਈਸਾ॥ ਪੁਹਪਨ  
ਬ੍ਰਿਸਟਿ ਗਗਨ ਤੇ ਭਈ॥ ਸਭਹਿਨ ਆਨ  
ਬਧਾਈ ਦਈ॥੧॥ ਧੰਨਯ ਧੰਨਯ ਲੋਗਨ  
ਕੇ ਰਾਜਾ॥ ਦੁਸਟਨ ਦਾਹ ਗਰੀਬ  
ਨਿਵਾਜਾ॥ ਅਖਲ ਭਵਨ ਕੇ ਸਿਰਜਨਹਾਰੇ॥  
ਦਾਸ ਜਾਨਿ ਮੁਹਿ ਲੇਹੁ ਉਬਾਰੇ॥੨॥

ਕਬਿਯੋ ਬਾਚ ਬੇਨਤੀ ॥ ਚੌਪਈ ॥

ਹਮਰੀ ਕਰੋ ਹਾਥ ਦੈ ਰੱਛਾ॥ ਪੂਰਨ  
ਹੋਇ ਚਿਤ ਕੀ ਇੱਛਾ॥ ਤਵ ਚਰਨਨ ਮਨ  
ਰਹੈ ਹਮਾਰਾ॥ ਅਪਨਾ ਜਾਨ ਕਰੋ

ਪ੍ਰਤਿਪਾਰਾ॥੧॥ ਹਮਰੇ ਦੁਸਟ ਸਭੈ ਤੁਮ  
 ਘਾਵਹੁ॥ ਆਪੁ ਹਾਥ ਦੈ ਮੋਹਿ ਬਚਾਵਹੁ॥  
 ਸੁਖੀ ਵਸੈ ਮੋਰੋ ਪਰਿਵਾਰਾ॥ ਸੇਵਕ ਸਿਖ  
 ਸਭੈ ਕਰਤਾਰਾ॥੨॥ ਮੋ ਰੱਛਾ ਨਿਜ ਕਰ  
 ਦੈ ਕਰੀਐ॥ ਸਭ ਬੈਰਨ ਕੋ ਆਜ  
 ਸੰਘਰੀਐ॥ ਪੂਰਨ ਹੋਇ ਹਮਾਰੀ ਆਸਾ॥  
 ਤੋਰ ਭਜਨ ਕੀ ਰਹੈ ਪਿਆਸਾ॥੩॥  
 ਤੁਮਹਿ ਛਾਡਿ ਕੋਈ ਅਵਰ ਨ ਧਯਾਉਂ॥  
 ਜੋ ਬਰ ਚਾਹੈ ਸੁ ਤੁਮ ਤੇ ਪਾਉਂ॥ ਸੇਵਕ  
 ਸਿੱਖ ਹਮਾਰੇ ਤਾਰੀਅਹਿ॥ ਚੁਨਿ ਚੁਨਿ  
 ਸਤੁ ਹਮਾਰੇ ਮਾਰੀਅਹਿ॥੪॥ ਆਪੁ ਹਾਥ  
 ਦੈ ਮੁਝੈ ਉਬਰੀਐ॥ ਮਰਣ ਕਾਲ ਕਾ ਤ੍ਰਾਸ  
 ਨਿਵਰੀਐ॥ ਹੁਜੋ ਸਦਾ ਹਮਾਰੇ ਪੱਛਾ॥ ਸ੍ਰੀ

ਅਸਿਧੁਜ ਜੂ ਕਰੀਅਹੁ ਰੱਛਾ॥੫॥ ਰਾਖਿ  
 ਲੇਹੁ ਮੁਹਿ ਰਾਖਨਹਾਰੇ॥ ਸਾਹਿਬ ਸੰਤ  
 ਸਹਾਇ ਪਿਆਰੇ॥ ਦੀਨ ਬੰਧੁ ਦੁਸਟਨ ਕੇ  
 ਹੰਤਾ॥ ਤੁਮ ਹੋ ਪੁਰੀ ਚਤਰ ਦਸ  
 ਕੰਤਾ॥੬॥ ਕਾਲ ਪਾਇ ਬ੍ਰਹਮਾ ਬਪੁ  
 ਧਰਾ॥ ਕਾਲ ਪਾਇ ਸਿਵ ਜੂ ਅਵਤਰਾ॥  
 ਕਾਲ ਪਾਇ ਕਰ ਬਿਸਨੁ ਪ੍ਰਕਾਸਾ॥ ਸਕਲ  
 ਕਾਲ ਕਾ ਕੀਆ ਤਮਾਸਾ॥੭॥ ਜਵਨ  
 ਕਾਲ ਜੋਗੀ ਸਿਵ ਕੀਓ॥ ਬੇਦਰਾਜ ਬ੍ਰਹਮਾ  
 ਜੂ ਥੀਓ॥ ਜਵਨ ਕਾਲ ਸਭ ਲੋਕ  
 ਸਵਾਰਾ॥ ਨਮਸਕਾਰ ਹੈ ਤਾਹਿ  
 ਹਮਾਰਾ॥੮॥ ਜਵਨ ਕਾਲ ਸਭ ਜਗਤ  
 ਬਨਾਯੋ॥ ਦੇਵ ਦੈਤ ਜਛਨ ਉਪਜਾਯੋ॥

ਆਦਿ ਅੰਤਿ ਏਕੈ ਅਵਤਾਰਾ॥ ਸੋਈ ਗੁਰੂ  
ਸਮਝੀਅਹੁ ਹਮਾਰਾ॥੯॥ ਨਮਸਕਾਰ  
ਤਿਸ ਹੀ ਕੋ ਹਮਾਰੀ॥ ਸਕਲ ਪ੍ਰਜਾ ਜਿਨ  
ਆਪ ਸਵਾਰੀ॥ ਸਿਵਕਨ ਕੋ ਸਿਵ ਗੁਨ  
ਸੁਖ ਦੀਓ॥ ਸਤੁਨ ਕੋ ਪਲ ਮੋ ਬਧ  
ਕੀਓ॥੧੦॥ ਘਟ ਘਟ ਕੇ ਅੰਤਰ ਕੀ  
ਜਾਨਤ॥ ਭਲੇ ਬੁਰੇ ਕੀ ਪੀਰ ਪਛਾਨਤ॥  
ਚੀਟੀ ਤੇ ਕੁੰਚਰ ਅਸਥੂਲਾ॥ ਸਭ ਪਰ  
ਕ੍ਰਿਪਾ ਦ੍ਰਿਸਟਿ ਕਰ ਫੂਲਾ॥੧੧॥ ਸੰਤਨ  
ਦੁਖ ਪਾਏ ਤੇ ਦੁਖੀ॥ ਸੁਖ ਪਾਏ ਸਾਧਨ ਕੇ  
ਸੁਖੀ॥ ਏਕ ਏਕ ਕੀ ਪੀਰ ਪਛਾਨੈ॥ ਘਟ  
ਘਟ ਕੇ ਪਟ ਪਟ ਕੀ ਜਾਨੈ॥੧੨॥ ਜਬ  
ਉਦਕਰਖ ਕਰਾ ਕਰਤਾਰਾ॥ ਪ੍ਰਜਾ ਧਰਤ

ਤਬ ਦੇਹ ਅਪਾਰਾ॥ ਜਬ ਆਕਰਖ ਕਰਤ  
 ਹੋ ਕਬਹੂੰ॥ ਤੁਮ ਮੈ ਮਿਲਤ ਦੇਹ ਧਰ  
 ਸਭਹੂੰ॥੧੩॥ ਜੇਤੇ ਬਦਨ ਸ੍ਰਿਸਟਿ ਸਭ  
 ਧਾਰੈ॥ ਆਪ ਆਪਨੀ ਬੁਝ ਉਚਾਰੈ॥ ਤੁਮ  
 ਸਭਹੀ ਤੇ ਰਹਤ ਨਿਰਾਲਮ॥ ਜਾਨਤ ਬੇਦ  
 ਭੇਦ ਅਰੁ ਆਲਮ॥੧੪॥ ਨਿਰੰਕਾਰ  
 ਨ੍ਰਿਬਿਕਾਰ ਨਿਰਲੰਭ॥ ਆਦਿ ਅਨੀਲ  
 ਅਨਾਦਿ ਅਸੰਭ॥ ਤਾ ਕਾ ਮੂੜ ਉਚਾਰਤ  
 ਭੇਦਾ॥ ਜਾ ਕਾ ਭੇਵ ਨ ਪਾਵਤ  
 ਬੇਦਾ॥੧੫॥ ਤਾ ਕੋ ਕਰ ਪਾਹਨ  
 ਅਨੁਮਾਨਤ॥ ਮਹਾ ਮੂੜ ਕਛੁ ਭੇਦ ਨ  
 ਜਾਨਤ॥ ਮਹਾਦੇਵ ਕੋ ਕਹਤ ਸਦਾ ਸਿਵ॥  
 ਨਿਰੰਕਾਰ ਕਾ ਚੀਨਤ ਨਹਿ ਭਿਵ॥੧੬॥

ਆਪ ਆਪਨੀ ਬੁਧਿ ਹੈ ਜੇਤੀ॥ ਬਰਨਤ  
ਭਿੰਨ ਭਿੰਨ ਤੁਹਿ ਤੇਤੀ॥ ਤੁਮਰਾ ਲਖਾ ਨ  
ਜਾਇ ਪਸਾਰਾ॥ ਕਿਹ ਬਿਧਿ ਸਜਾ ਪ੍ਰਥਮ  
ਸੰਸਾਰਾ॥੧੭॥ ਏਕੈ ਰੂਪ ਅਨੂਪ ਸਰੂਪਾ॥  
ਰੰਕ ਭਯੋ ਰਾਵ ਕਹੀ ਭੂਪਾ॥ ਅੰਡਜ ਜੇਰਜ  
ਸੇਤਜ ਕੀਨੀ॥ ਉਤਭੁਜ ਖਾਨਿ ਬਹੁਰਿ  
ਰਚਿ ਦੀਨੀ॥੧੮॥ ਕਹੂੰ ਫੂਲ ਰਾਜਾ ਹੈ  
ਬੈਠਾ॥ ਕਹੂੰ ਸਿਮਟਿ ਭਯੋ ਸੰਕਰ  
ਇਕੈਠਾ॥ ਸਗਰੀ ਸਿਸਟਿ ਦਿਖਾਇ  
ਅਚੰਭਵ॥ ਆਦਿ ਜੁਗਾਦਿ ਸਰੂਪ  
ਸੁਯੰਭਵ॥ ੧੯॥ ਅਬ ਰੱਛਾ ਮੇਰੀ ਤੁਮ  
ਕਰੋ॥ ਸਿੱਖਯ ਉਬਾਰ ਅਸਿਖਯ ਸੰਘਰੋ॥  
ਦੁਸਟ ਜਿਤੇ ਉਠਵਤ ਉਤਪਾਤਾ॥ ਸਕਲ

ਮਲੇਛ ਕਰੋ ਰਣ ਘਾਤਾ॥੨੦॥ ਜੇ  
 ਅਸਿਧੁਜ ਤ੍ਵ ਸਰਨੀ ਪਰੇ॥ ਤਿਨਕੇ ਦੁਸਟ  
 ਦੁਖਤ ਹ੍ਵੈ ਮਰੇ॥ ਪੁਰਖ ਜਵਨ ਪਗ ਪਰੈ  
 ਤੁਹਾਰੈ॥ ਤਿਨਕੇ ਤੁਮ ਸੰਕਟ ਸਭ  
 ਟਾਰੈ॥੨੧॥ ਜੋ ਕਲਿ ਕੋ ਇਕ ਬਾਰ  
 ਧਿਐ ਹੈ॥ ਤਾ ਕੇ ਕਾਲ ਨਿਕਟ ਨਹੀ ਐ  
 ਹੈ॥ ਰੱਛਾ ਹੋਇ ਤਾਹਿ ਸਭ ਕਾਲਾ॥  
 ਦੁਸਟ ਅਰਿਸਟ ਟਰੇ ਤਤਕਾਲਾ॥੨੨॥  
 ਕ੍ਰਿਪਾ ਦ੍ਰਿਸਟਿ ਤਨ ਜਾਹਿ ਨਿਹਰਿਹੋ॥  
 ਤਾ ਕੇ ਤਾਪ ਤਨਿਕ ਮਹਿ ਹਰਿਹੋ॥ ਰਿਧਿ  
 ਸਿਧਿ ਘਰ ਮੋ ਸਭ ਹੋਈ॥ ਦੁਸਟ ਛਾਹ ਛ੍ਵੈ  
 ਸਕੈ ਨ ਕੋਈ॥੨੩॥ ਏਕ ਬਾਰ ਜਿਨ  
 ਤੁਮੈ ਸੰਭਾਰਾ॥ ਕਾਲ ਫਾਸ ਤੇ ਤਾਹਿ



ਉਬਾਰਾ॥ ਜਿਨ ਨਰ ਨਾਮ ਤਿਹਾਰੋ ਕਹਾ॥  
 ਦਾਰਿਦ ਦੁਸਟ ਦੋਖ ਤੇ ਰਹਾ॥੨੪॥  
 ਖੜਗ ਕੇਤ ਮੈ ਸਰਣਿ ਤਿਹਾਰੀ॥ ਆਪੁ  
 ਹਾਥ ਦੈ ਲੇਹੁ ਉਬਾਰੀ॥ ਸਰਬ ਠਉਰ ਮੋ  
 ਹੋਹੁ ਸਹਾਈ॥ ਦੁਸਟ ਦੋਖ ਤੇ ਲੇਹੁ  
 ਬਚਾਈ॥੨੫॥ ਕ੍ਰਿਪਾ ਕਰੀ ਹਮ ਪਰ  
 ਜਗ ਮਾਤਾ॥ ਗ੍ਰੰਥ ਕਰਾ ਪੂਰਨ ਸੁਭ  
 ਰਾਤਾ॥ ਕਿਲ ਬਿਖ ਸਕਲ ਦੇਹ ਕੋ  
 ਹਰਤਾ॥ ਦੁਸਟ ਦੋਖੀਅਨ ਕੋ ਛੈ  
 ਕਰਤਾ॥੨੬॥ ਸ੍ਰੀ ਅਸਿਧੁਜ ਜਬ ਭਏ  
 ਦਇਆਲਾ॥ ਪੂਰਨ ਕਰਾ ਗ੍ਰੰਥ  
 ਤਤਕਾਲਾ॥ ਮਨ ਬਾਛਤ ਫਲ ਪਾਵੈ  
 ਸੋਈ॥ ਦੁਖ ਨ ਤਿਸੈ ਬਿਆਪਤ

ਕੋਈ॥੨੭॥ਅਤਿੱਲ॥ ਸੁਨੈ ਗੁੰਗ ਜੋ ਯਾਹਿ  
ਸੁ ਰਸਨਾ ਪਾਵਈ॥ ਸੁਨੈ ਮੂੜ ਚਿਤ  
ਲਾਇ ਚਤੁਰਤਾ ਆਵਈ॥ ਦੂਖ ਦਰਦ ਭੋ  
ਨਿਕਟ ਨ ਤਿਨ ਨਰ ਕੇ ਰਹੈ॥ ਹੋ ਜੋ ਯਾ  
ਕੀ ਏਕ ਬਾਰ ਚੌਪਈ ਕੋ ਕਹੈ॥੨੮॥

ਚੌਪਈ॥ ਸੰਬਤ ਸਤਰਹ ਸਹਸ  
ਭਣਿਜੈ॥ ਅਰਧ ਸਹਸ ਫੁਨਿ ਤੀਨ  
ਕਹਿੰਜੈ॥ ਭਾਦਵ ਸੁਦੀ ਅਸਟਮੀ ਰਵਿ  
ਵਾਰਾ॥ ਤੀਰ ਸੱਤੁ ਦ੍ਰਵ ਗ੍ਰੰਥ  
ਸੁਧਾਰਾ॥੨੯॥ ਇਤਿ ਸ੍ਰੀ ਚਰਿਤ੍ਰੋ  
ਪਖਯਾਨੇ ਤ੍ਰਿਯਾ ਚਰਿਤ੍ਰੇ ਭੂਪ ਮੰਤ੍ਰੀ ਸੰਬਾਦੇ  
ਚਾਰ ਸੈ ਚਾਰ ਚਰਿਤ੍ਰ ਸਮਾਪਤ ਮਸਤੁ  
ਸੁਭ ਮਸਤੁ॥੩॥